



Broj: 01-05- 41 /21
Datum, 04.02.2021. godine

CENTRALNA IZBORNA KOMISIJA SARAJEVO



Predmet: Izvještaj o radu općinske izborne komisije
Gornji Vakuf – Uskoplje za 2020. godinu.

| | | | |
|-----------------------|-------|---------|-------|
| PRIMLJENO: 06.02.2021 | | | |
| ORG JED | BROJ | PRILOGA | VRJED |
| 01-05-1- | 11/21 | | |

Poštovani,

Općinska izborna komisija Gornji Vakuf-Uskoplje (u daljem tekstu: OIK) koju čine Osman Sofić, (predsjednik), Emir Sinan, Šehzada Duhandžić, Branko Matijanić i Marija Kolak (članovi) u navedenom sastavu obavljala je svoje zakonom propisane dužnosti. Četiri člana OIK-a su imenovana 02.07.2015. godine Odlukom Općinskog vijeća Gornji Vakuf-Uskoplje na mandatni period od 7 godina, dok je jednom članu OIK-a istekao mandat ali je istom produžen mandat na period od 6 mjeseci od dana raspisivanja izbora. Komisija je multietničkog sastava i odražava ravnopravnu zastupljenost spolova i ravnopravnu zastupljenost konstitutivnih naroda na području općine Gornji Vakuf-Uskoplje.

U toku 2020. godine OIK je održao 65 (šezdesetpet) sastanka na kojima se raspravljalo o poslovima i zadacima iz djelokruga rada komisije. Sve odluke, rješenja i drugi akti su doneseni jednoglasno osim jedne Odluke oko imenovanju predsjednika biračkih odbora gdje je se glasalo i Odluka je donesena nad polovičnim brojem glasova.

Odredbom člana 2.13. Izbornog zakona BiH propisane su osnovne nadležnosti izbornih komisija osnovnih izbornih jedinica u BiH, kako slijedi:

1. nadgledaju rad općinskih organa u procesu pripreme i provođenja izbora, a naročito proces registracije birača;
2. imenuju i obučavaju članove biračkih odbora;
3. informišu birače o svim informacijama neophodnim za provođenje izbora;
4. odgovorne su za uređenje biračkih mjesta i druge tehničke pripreme za izbore;
5. brinu o prijemu, skladištenju, bezbjednosti i dostavi izbornog materijala (osjetljivog i neosjetljivog) biračkim odborima, kao i preuzimanju istog nakon provedenih izbora;
6. odgovorne su za pravilno brojanje glasačkih listića na biračkim mjestima;
7. objedinjuju preliminarne rezultate izbora sa svih biračkih mjesta u Općini i dostavljaju Centralnoj izbornoj komisiji BiH;
8. akreditiraju posmatrača koji će posmatrati njen rad, rad Centra za registraciju birača i biračkih odbora;
9. rješavaju prigovore koji su u njenoj nadležnosti;
10. Vršu i druge poslove u skladu sa zakonima i podzakonskim aktima;

Ako se imaju u vidu zakonom propisane nadležnosti izbornih komisija osnovnih izbornih jedinica u BiH onda se može uočiti činjenica da su osnovne aktivnosti ovog organa pretežno vezane za izbornu godinu i sam izborni proces, pa tako i Izvještaj o radu OIK-a za 2020. godinu temelji se na činjenici da je prethodna godina bila redovna izborna godina, tačnije sve je bilo podređeno održavanju lokalnih izbora u drugoj polovici 2020. godine, ali pored toga su se nesumnjivo odvijale određene zakonom propisane aktivnosti koje su važne za kontinuirani rad OIK-a.

S obzirom na prednje navedeno, prije svega, kao i prethodnih godina, u prvom kvartalu obavljena je analiza izvršenja planiranih zadataka iz Programa rada OIK-a za 2019. godinu na osnovu koje se, kao i ranijih godina, može izvesti jedinstven zaključak, imajući u vidu činjenicu da je 2019. godina nije bila izborna godina prešlo je se na pripremu za lokalne izbore 2020.godine. Ono što je najbitnije jeste da su održani Lokalni izbori na području naše općine a i u cijeloj BiH, a da su svi planirani zadaci uspješno provedeni, uz puni angažman kako članova OIK-a, tako i svih drugih relevantnih organa koji su na bilo koji način učestvovali u izbornom procesu. Sve naprijed navedeno je na koncu i rezultiralo činjenicom da od strane Centralne izborne komisije BiH nije bilo nikakvih primjedbi na rad ovog organa, niti sankcioniranja biračkih odbora na području osnovne izborne jedinice 110 A Gornji Vakuf - Uskoplje.

Dalje, odredbama Izbornog zakona BiH, ali i Programom rada OIK-a za 2020. godinu zavisno završena je obuka i dodatno usavršavanje članova OIK-a (on-line) i svih drugih lica vezanih za nesmetano odvijanje izbornog procesa, kao i unapređenje rada i edukacija djelatnika Centra za birački spisak Općine Gornji Vakuf-Uskoplje.

U toku 2020. godine od strane Centralne izborne komisije BiH dostavljeni su određeni akti, kojim se od izbornih komisija osnovnih izbornih jedinica u BiH traži planiranje sredstava za provođenje Lokalnih izbora 2020. godine u BiH, odnosno donošenje finansijskog plana, koji su iste dužne uputiti Općinskom vijeću da se projicirana novčana sredstva obezbijede u o općinskom budžetu za 2020. godinu, tako da je od OIK-a početkom mjeseca augusta po specifikaciji Centralne izborne komisije BiH sačinjen i obrazložen Finansijski plan OIK-a za 2020. godinu, te je isti u prilogu obrazloženog budžetskog zahtjeva i dostavljen nadležnoj službi.

Općinsko vijeće Gornji Vakuf-Uskoplje nije usvojilo budžet za 2020 godinu ali je općinski načelnik sam proglasio Budžet i obezbijedio planirana sredstva za održavanje lokalnih izbora 2020. godine. Pored toga općinski načelnik je obezbijedio sredstva za potrebe izbora u svrhu sigurnosti članova biračkih odbora i birača na način što je izdvojio značajna sredstva u nabavku materijalno tehničkih i higijenskih sredstava u borbi protiv COVID 19.

Tokom 2020. godine kao i u prethodnom periodu, OIK je održavao kontinuiranu saradnju i postupao po svim nalogima i prijedlozima Centralne izborne komisije BiH, na način i obimu kako je to zahtijevano od strane iste.

Tokom 2020. godine ostvarena je i saradnja sa Općinskim vijećem, Općinskim načelnikom i nadležnim općinskim službama, zatim svim političkim subjektima, medijima, kao i svim drugim subjektima koji imaju doticaja sa radom OIK-a i na bilo koji način vezani su za izborni proces.

Tokom 2020. godine, kao i prethodnih godina, koliko su to tehničke mogućnosti dozvoljavale, ažurirane, vođene i kontrolisane su sve relevantne evidencije iz zakonskog djelokruga rada osnovnih izbornih jedinica u BiH, s posebnim akcentom na kontrolu i nadgledanje centra za birački spisak, te je vršena kontrola i ažuriranje uspostavljenog računarskog sistema i informatičke opreme.

OIK je u proteklom periodu intenzivno radio na ažuriranju Centralnog biračkog popisa sa ciljem brisanja umrlih osoba sa biračkog popisa. Članovi centra za Birački popis su

kontinuirano pružali informacije oko promjene biračke opcije i samim ti upoznavali birače o njihovim pravima u procesu registracije birača.

Također OIK je izvršio analizu biračkih mjesta sa osvrtom na 2 (dva) biračka mjesta koja su smještena u privatnim objektima. Pored ovih aktivnosti raspravljalo se o potrebi raspoređivanja birača po biračkim mjestima za biračka mjesta koja na granici od 1000 birača ili bi u dogledno vrijeme mogla preći ovu brojku do održavanja lokalnih izbora.

OIK je uspješno realizovao prethodne izbore a kao bitne stvari koje su obilježile ove lokalne izbore bi naveli da je OIK ukupno izdao 86. Odluka, da je imao adekvatan prostor, oprema za rad je zastarjela ali još uvijek upotrebljiva, da je izborna Komisija redovno primala naknadu za svoj rad, da nije bilo problema u vezi finansiranja izbora i da je bilo ukupno 13 Prigovora od strane političkih subjekata od čega je jedan prigovor prihvaćen a 12 odbačeno (razlog što isti nisu bili potpisani od strane ovlaštenih lica za zastupanje).

U cilju transparentnosti trošenja novčanih sredstava, OIK je kao i svih prethodnih, tokom i ove izvještajne godine, Općinskom načelniku i nadležnoj općinskoj službi, sukcesivno podnosio obrazloženje pismene zahtjeve za prethodno odobrenje za svaki pojedinačni transfer novčanih sredstava, sa svom potrebnom dokumentacijom koja potkrepljuje namjenu trošenja istih, tako da su se sve novčane transakcije tokom čitave izvještajne godine obavljale, uz suglasnost Općinskog načelnika i nadležne općinske službe.

Kao i u prošlogodišnjem izvještaju o radu OIK-a, ističemo da je odredbom člana 2.9. Izbornog zakona BiH propisana isključiva nadležnost Centralne izborne komisije BiH da koordinira, nadgleda i reguliše zakonitost rada svih izbornih komisija osnovnih izbornih jedinica u BiH, te je odredbom člana 5. Uputstva o načinu rada i izvještavanju izborne komisije osnovne izborne jedinice u BiH propisano da je izborna komisija do 31.01. tekuće godine obavezna Centralnoj izbornoj komisiji BiH dostaviti svoj izvještaj o radu za prethodnu godinu, tako da su u mjesecu decembru 2020. godine provedene aktivnosti na pripremi i sačinjavanju predmetnog izvještaja.

Iako obaveza dostave Izvještaja o radu OIK-a nije eksplicitno propisana odredbama Izbornog zakona BiH, podzakonskih akata, zatim Statuta Općine Gornji Vakuf-Uskoplje, niti odredbama Poslovnika o radu Općinskog vijeća Gornji Vakuf-Uskoplje, kao ni bilo kojim drugim propisom na bilo kojem nivou, uz uvažavanje činjenice da se sredstva za vršenje zakonskih ovlaštenja i sredstva za naknade za rad OIK-a ipak obezbjeđuju iz općinskog budžeta.

Na kraju ovog Izvještaja OIK ističe, da su, generalno posmatrajući, većina poslova i aktivnosti tokom 2020. godine uspješno realizirani i da su na kraju izbori prošli u fer i korektnoj proceduri iako smo imali određenih pritisaka od strane pojedinih političkih subjekata toku izbornog procesa.

S poštovanjem!

Dostaviti:

- naslovu
- a/a



OPĆINSKA IZBORNA KOMISIJA
Osman Sofić, dipl. pravnik